

四庫全書

史部

欽定四庫全書

欽定續文獻通考卷一百四十五

經籍考

經
易

明

章潢用易象義十卷

潢字本清南昌人萬歷中以薦授順天府訓導時年
已七十九不能赴官詔用陳獻章例官給月米後至

八十二歲終於家明史儒林傳附載鄧元錫傳末

黃宗羲曰潢於廬陵會講時有問學以何為宗曰
學要明善誠身祇與人為善是已

朱睦㮮易學識遺一卷

睦㮮字灌甫號西亭周定王六世孫萬曆時舉宗正
領宗學事

姚舜牧易經疑問十二卷

舜牧字虞佐烏程人萬曆舉人歷知新興廣昌二縣

曾朝節易測十卷

朝節號植齋臨武人萬歷進士累官禮部尚書

張雲章曰其為學出入於薛胡陳王之間蓋主調停之說者其治易亦然

蘇濬周易冥冥篇四卷 易經兒說四卷

濬字君禹晉江人萬歷進士官至廣東布政司參政
學者稱紫溪先生

臣等謹案濬冥冥篇大旨主虛無之說一切歸諸

心學故以冥冥為名兒說則其為子姪講授之書
專為科舉之學而設故墨守朱子本義尺寸不踰
涂宗濬續韋齋易義虛裁八卷

宗濬字鏡原南昌人萬曆進士官至兵部尚書諡恭
襄

鄒德溥易會八卷

德溥字汝光安福人萬曆進士官太子洗馬明史儒
林傳附見其祖守益傳末

錢一本像象管見九卷 象鈔六卷 四聖一心錄六卷

一本字國瑞武進人萬曆進士官御史以建言罷歸
天啟初追贈太僕寺卿

張雲章曰一本以建言落職歸而談道著書與光
祿顧端文分東林講席初宰廬陵即潛心易學積
二十餘年成像象管見一書晚年復著象鈔皆自
為序鄒忠介元標亦序之

黃宗義曰一本之學得之王塘南者居多懲一時
學者喜談本體故以工夫為主人無有不才才無
有不善但盡其才始能見得本體不可以石火電
光便作家當也深中學者之病

潘士藻洗心齋讀易述十七卷

士藻字去華號雪松婺源人萬厯進士官至尚寶司
少卿

焦竑曰諸家之說大抵主理莫備於房審權主象

莫備於李鼎祚士藻裛而擇之

焦竑易筌六卷 附論一卷

竑字弱侯山東日照人萬曆己丑進士第一授翰林院修撰遷東宮講讀官謫福寧州州同學者稱澹園先生事蹟具明史文苑傳

竑自序畧曰善乎季觀之言無思無為之義晦而心法勝積善積惡之誠泯而因果生是編出學者知二氏所長乃易之所有而離類絕倫不可為家

國者則易之所無也

遯中立周易劄記三卷

中立字與權號確齋聊城人萬曆進士由行人擢給事中
以建言貶陝西按察司知事

高攀龍周易簡說三卷

攀龍字存之無錫人萬曆進士累官都御史劾閹黨
崔呈秀為所陷削籍歸後聞逮問赴水死贈太子少
保兵部尚書謚忠憲

攀龍論曰伊川說游魂為變曰既是變則存者亡
聖者腐更無物也此殆不然只說得形質耳游魂
如何滅得但其變化不可測識也聖人即天地也
不可以存亡言自古忠臣義士何曾亡滅避佛氏
之說而謂賢愚善惡同歸於盡非所以教也況幽
明之事昭昭於耳目者終不可掩乎張子曰大易
不言有無言有無諸子之陋也

郝敬周易正解二十卷 易領四卷

敬字仲興京山人萬厯進士累官禮科戶科給事中
謫宜興縣丞終於江陰縣知縣明史文苑傳附見李
維禎傳末

敬易領自序畧曰八卦以序相循環君子所居而
安者易之序也後儒疑序卦傳為淺率廢而不講
則易道凌亂無復條理矣予解易於彖爻前冠以
序卦傳畧加敷衍如著衣者挈其領而前後襜如
命之曰易領

張納陞易學飲河八卷

納陞字以登宜興人萬歷進士官禮部主事以建言

謫判鄧州

錢一本序曰昔有為飲河之喻者謂河無盡而飲之者其量有盡易河源也予友張以登值並封議起偕于薛顧陳賈諸公抗疏回天時號六君子奚啻秦二用馮河之勇一入銅籍遂數十餘年而心精無一少滲其飲河所述蓋用馮河之全力出之

姚文蔚周易旁注會通十四卷

文蔚字養谷錢塘人萬曆進士官至南京太僕寺少

卿

李本固古易彙編十七卷

本固字惟寧臨清人萬曆進士官至太僕寺少卿

朱彞尊曰是集大綱有三曰意辭曰象數曰變占

而意辭之目八曰古易曰辭會曰明意曰釋名曰

詳易曰玩辭曰誤異曰易派象數之目八曰圖書

象曰圖書數曰總論曰畫象曰三易曰廣象曰觀
象曰衍數變占之目十曰著變曰之變曰反對曰
變例曰小成曰觀變曰不卜曰玩占曰卜筮曰斷
法

楊廷筠玩易微言摘抄六卷

廷筠字仲堅錢塘人萬歷進士官順天府丞

方時化易引九卷 周易頌二卷 學易述談四卷

易指要繹三卷 易疑四卷 易通一卷

時化字伯雨歙縣人萬曆舉人官至敘州府同知
耿橘周易鐵笛子一卷

橘字庭懷獻縣人萬曆舉人官至監察御史

曹學佺周易可說七卷 易經通論十二卷

學佺字能始侯官人萬曆進士累官四川按察使後
為朱聿鍵禮部尚書聿鍵敗學佺自殺事蹟具明史
文苑傳

張汝霖易經澹窩因指八卷

汝霖字明若山陰人萬歷進士官江西布政司參議
劉宗周周易古文鈔二卷

宗周字起東號念臺山陰人萬歷進士累官左都御
史南都破後絕粒而死

臣等謹案宗周於乾隆四十年

賜諡忠介

程汝繼周易宗義十二卷

汝繼字志初婺源人萬歷進士官至袁州府知府

魏濟易義古象通八卷

濟字蒼水松溪人萬厯進士累官右僉都御史巡撫

湖廣

陸振奇易芥八卷

振奇字庸成仁和人萬厯丙午舉人

楊瞿唼易林疑說

無卷數

瞿唼原名載萼字稚實晉江人萬厯進士官至江西

提學副使

林欲楫易經勺解三卷

楫字平菴晉江人萬曆進士官至禮部尚書兼詹事府詹事

賈必選松蔭堂學易六卷

必選字直生上元人萬曆舉人官戶部主事以辦倪嘉慶寃謫外旋陞南京工部郎中

陸夢龍易畧三卷

夢龍字君啟會稽人萬曆進士以右參政分守固原

死難贈太僕寺卿

錢士升周易揆十二卷

士升字抑之嘉善人萬曆丙辰進士第一官至文淵閣大學士

許譽卿曰士升立朝當否泰之交則為包荒出世
丁興亡之會則為碩果所著易揆前設互卦後設
對卦氣與理象莫不兼融而並攝之

鄭奎易臆三卷

奎字孔肩錢塘人

郭宗磐重訂易學說海八卷

宗磐號鵬海晉江人

陸起龍周易易簡編

無卷數

起龍字雲從上海人萬歷舉人官永寧縣知縣

起龍自序畧曰採漢唐宋以來註疏暨家藏未刻本多至充棟筆之成帙龍病其曠而襍遂歸根易簡融會精理彙而成編

卓爾康易學十二卷

爾康字去病仁和人萬曆舉人官至工部屯田司郎中謫常州府檢校後終於兩淮運判

臣等謹案明史藝文志載爾康易學五十卷此本僅存圖一卷圖說六卷及說卦傳二卷序卦傳二卷雜卦傳一卷每卷但有卷之二字而空其數蓋刊刻未竟之本也

程玉潤易窺

無卷數

玉潤字鉉吉常熟人萬曆進士據經義考所引倪長
珩語知其嘗官部郎始末無攷

臣等謹案朱彝尊經義考但載程玉潤周易演旨
六十五卷而無易窺之名又此書僅有十冊亦不
分卷數惟所解止上下經與程子易傳同或原名
易窺後改演旨此猶其初藁故尚未分卷也

洪啟初易學管見

無卷數

啟初字爾還南安人萬曆進士官兵部主事

吳極易學五卷

極字元無漢陽人萬曆進士官知縣

方孔炤周易時論合編二十二卷

孔炤字潛夫桐城人學漸之孫大鎮之子也萬曆進士官至右僉都御史

徐世淳易就六卷

世淳字中明嘉興人萬曆時舉人官至隨州知州張獻忠之亂城破巷戰死贈太僕寺卿事蹟具明史忠

義傳

陳第伏義圖贊二卷

第字季立連江人以諸生從軍官至薊鎮遊擊

張雲章曰第著圖贊答問焦竑見之謂其反覆數
千言抉剔真詮解剝衆說大率規方以為圓融異
而歸一拂有以取無竑嘆服之意可謂至矣然其
學從禪門證入率由心得與諸家異

王邦柱江柵同撰易經會通十二卷

邦柱字砥之萬厯時舉人柟字楚餘皆休寧人

朱謀埜周易象通八卷

謀埜字鬱儀寧獻王七世孫萬厯中以中尉攝石城

王府事

李維楨序畧曰易者象也象也者像也由周迄漢
治易者率先明象迨晉王弼尚名理而宋邢恕輩
因之至欲棄卦畫不用程氏傳專言理義邵氏說
盡主象數矣然而識者多有遺議李鼎祚謂鄭康

成參天象王輔嗣釋人事馮當可謂王與人事疎
程與天道遠天人寧可偏廢耶陳瑩中舉邵說示
劉器之劉不其然朱子亦以必見意象方可說理
而與劉君房滕珙言本義有模印之戒其定論如
此友人朱鬱儀讀易而歎曰說易者莫如孔子孔
子曰八卦成列象在其中此象之始也書契興而
結繩遠後聖廣為之象以開物象有數故曰極其
數遂定天下之象象有辭故曰彖者言乎其象聖

人設卦觀象繫辭焉以明吉凶吉凶者失得之象也悔吝者憂虞之象也變化者進退之象也剛柔者晝夜之象也易之為書安往而非象書不盡言言不盡意立象所以盡意象之不明意言何有乃為易象通八卷近取身遠取物揆人事以合天道使讀者占者犁然各當於心而始信夫聖人吉凶與民同患之理彼訓詁支離與索之窈冥昏默者皆非孔子指也易無方而象有方象有定體而無

定用陽一君而二民為君子陰二君而一民為小人三畫之象八卦小成之體也二與四三與五同功而異位重爻之象六位之體也因而重之不可勝象矣八卦之象既已為天地風雷水火山澤矣而說卦更廣之見天下之賾而擬諸形容象其物宜因而廣象不可勝用矣鬱儀之名象曰通有以也見乃謂之象往來不窮謂之通化而裁之存乎變推而行之存乎通變則通通則久孔子之指不

明天下始遺象而言易遺象而言易則徇象而言
易者階之過也有徇象而後有遺象不遺象而後
象道興焉

吳桂森周易像象述五卷

桂森字仲美無錫人萬曆中歲貢生

嚴繩孫曰桂森從顧端文高忠憲諸公講學又學
易於毘陵錢啟新先生日夜探索幾忘寢食天啟
中逆璫毀東林書院及璫敗桂森亟謀興復建麗

澤堂又構小齋曰來復講易於其中學者稱為素衣先生

張次仲周易玩辭困學記

無卷數

次仲字元岵海寧人天啟舉人

陳祖念易用五卷

祖念字修甫連江人陳弟子也

祖念自序畧曰義理無窮非言之所能盡故傳註於漢疏義於唐議論於宋日起而日變而易之用

則隨時隨事可以自察是以君子居則觀象玩辭
動則觀變玩占聖人所以言易者如是而已傳曰
精義入神以致用也利用安身以崇德也朱文公
言人能取義一卦若一爻熟讀而深玩之推於事
而反於身則吉凶消長之理進退存亡之道無所
求而不得亦無處而不當此則致用利用之義也

黃道周易象正十六卷

道周字幼元漳浦人天啟進士累官少詹事明亡後

為唐王聿鍵禮部尚書兵潰被執不屈死

臣等謹案道周於乾隆四十年

賜諡忠端

黃宗義曰漳浦之學如武庫無所不備而尤邃於
易歷三乘易卦為二十六萬二千百四十四以授
時配之交會閏積贏縮無不脗合詩與春秋遞為
爻象屯蒙而下既濟未濟而上二千一百二十五
年之治亂燎若觀火

鄭開極曰道周出都門以易傳授豫章楊儀部廷
麟廷麟以絕學當傳大賢難遇慨然欲挾冊相隨
讀書鶴鳴山下十年不出事雖不行為士林所誦
其至臨安也築大滌山房俟象正告成當簪筆披
衣呈章北斗及之江楚扁舟葦岸昕夕研窮覃精
三十餘年而後成云

倪元璐兒易內儀以六卷 兒易外儀十五卷

元璐字玉汝上虞人天啟進士累官戶部尚書兼翰

林院學士甲申殉節

世祖章皇帝賜諡文貞

臣等謹案內儀以專以大象釋經每卦列卦爻辭至大象而止以六十四卦大象俱有以字以之為言用也故以名書外儀則有原始正言能事盡利曲成申命六目而又別為小目以紀之皆取繫辭中字名篇篇各有圖

王宣風姬易溯五卷

宣字紀卿一字虛舟金溪人

華兆登周易古本一卷

兆登無錫人

張鏡心易經增註十卷

鏡心字用晦磁州人天啟進士官至兵部尚書

陳仁錫繫辭十篇書十卷 易經頌十二卷

仁錫字明卿長洲人天啟進士官至南京國子監祭

酒事蹟具明史文苑傳

劉日曦易思圖解

無卷數

日曦字仲升彭澤人天啟進士

文安之易備十四卷

安之字汝止夷陵人天啟進士官國子監祭酒

張振淵周易說統十二卷

振淵字彥陵仁和人

董守諭卦變考畧一卷

守諭字次公鄞縣人天啟舉人

何楷古周易訂詁十六卷

楷字元子晉江人天啟進士官至吏科給事中唐王
聿鍵起兵于閩以為禮部尚書尋卒

楷自序畧曰予別異經傳以還田何之舊仍取彖
象二傳附於經文之下以為之註易以彖傳象傳
等字其文言專釋乾坤及上下繫說序雜等傳凡
有關於彖象者亦各隨卦附列以祖費直之意其
中網羅舊聞裁以管見爰題為古周易訂詁云

林允昌易史象解二卷

允昌字為磐號素菴晉江人天啟進士官至吏部郎
中

臣等謹案朱彝尊經義考載允昌周易擣義六卷
稱莆田有金石社允昌集弟子月三會自庚辰四
月至十一月凡二十二會門人張拱辰何承都等
輯而成編因允昌以請學為圃名齋故曰擣義此
書書名卷數皆不符當各自一書彝尊失載也

朱之俊周易纂六卷

之俊字滄起汾陽人天啟進士官至翰林院侍講

孫維明易學統此集二十卷

維明字克晟江寧人前有天啟四年維明自序此書
乃其子越續成者也

鄭友元易經小傳二十卷

友元自序自稱其號曰澹山不著歲月

臣等謹案湖廣通志鄭友元字元章京山人天啟

乙丑進士官御史當即其人

黎遂球周易爻物當名二卷

遂球字美周番禺人天啟舉人後守贛州城破巷戰死

遂球自序畧曰山居讀易每以史繫之至於爻物必求其名之所當因先定是編

沈瑞鍾廣易筌四卷

瑞鍾字德培平湖人

臣等謹案瑞鍾自序言先嘗為易意筮後復為廣易筮而書中又有稱家先生古筮者則述其父之說其間惟乾卦分節解之自坤以下每卦為一說繫辭以後每章為一說凡上下經繫詞傳上下各為一卷而說卦雜卦附諸後朱彞尊經義考作易廣筮二卷與此不符殆僅見上下經也

洪化昭周易獨坐談五卷

化昭自號日北居士新都人

李奇玉雪園易義四卷圖說一卷

奇玉字元美嘉善人崇禎進士官汝寧府知府

曾勲曰奇玉觀象玩辭則一本于說卦觀變玩占則兼取乎中爻至於陰陽倚伏直欲以包荒小人為量蓋有慨於黨人之禍肇自君子云

朱天麟易鼎三然

無卷數

天麟字震青吳江人寄籍崑山崇禎進士由兵部主

事改授編修

鄭敦教周易廣義四卷

敦教字汝敬吳縣人崇禎舉人

臣等謹案朱彝尊經義考載敦教易經圖考十二卷而不載是書殆偶未之見也

馬權竒尺木堂學易誌三卷

權竒字吳倩會稽人崇禎進士官兵部主事

吳鍾巒十願齋易說一卷 霞舟易箋一卷

鍾齋字巒稚武進人崇禎進士官桂林府推官魯王

監國以為禮部尚書後自焚死

臣等謹案鍾繇於乾隆四十年

賜諡忠烈

臣等謹案朱彝尊經義考惟載鍾繇周易卦說不著卷數註曰未見而無此書名江南通志儒林傳所載亦同殆輟轉傳聞相沿致誤也

賀登進易辰九卷

登進號澹餘都陽人崇禎進士官御史

陳際泰易經說意七卷 周易翼簡捷解十六卷附羣
經輔易說一卷

際泰字大士臨川人崇禎進士授行人奉使道卒明
史文苑傳附見艾南英傳中

秦鏞易序圖說二卷

鏞字大音無錫人崇禎進士官清江縣知縣

鏞自序畧曰六十四卦惟文王能序之惟孔子能
雜之後之學者當以雜卦對待之義求序卦流行

之理作序卦圖說上篇凡五段下篇凡四段合上
下凡九段配乾之數

黃端伯易疏五卷

端伯字元公新城人崇禎進士累官禮部郎中南京
破死難

臣等謹案端伯於乾隆四十年

賜諡忠節

文德翼序曰易者九流大共之書也河洛之圖傳

者以為搜自希夷考乾鑿度太乙九宮四正四維
之義與康成所論大衍十日十二辰二十八宿合
則宋之先已有此圖書矣吾師海岸先生窮四易
六龜九筮之學爰契京房房晞卦氣動有數世之
徵後人泥其挾刺蹈尾上累贛傳然綜其變端實
文王後天之學也後天序對之圖上下經各十八
卦上經不變者僅六下經不變者僅二屯蒙咸恒
而下莊子所謂相反而不可相無者也文王固樂

示人以變象乎先生之言曰八卦三變五變有不
變之世爻則易之元命也推而究之卦卦然一卦
亦無不然如屯歸震初蒙主坎二咸取下女之爻
恒用下男之畫故曰一君二民寓不變於衆變之
中隱衆變於不變之內至矣乎觀其苞絡豈僅古
司怪主卜而已乎即五行傳六甲書皆尋數之主
啟兆之質古人警銜燭龍入閭室不可謂火為目
也四易之變不盡於六龜九筮而飛伏之化寓焉

先生夢叶靈龜符文宣學易之年以此成書合之
諸家倣詭靈元之策無不滙為一元易雖大共之
書稱為先生大則之書無不可矣

周一敬苑洛易學疏四卷

一敬衢州人崇禎進士官御史

朱彞尊曰一敬自序云韓子以開明初學為心故
疏從其詳一敬以遯原明理竊附前人故多遺未
而尋本自萬厯甲寅迄崇禎壬午先後二十九載

而始敢句釋節解焉

臣等謹案苑洛先生即韓邦奇也邦奇有易學啟蒙意見等書見前

朱朝瑛讀易畧記

無卷數

朝瑛字美之號康流海寧人崇禎進士官旌德縣知縣

黃宗羲曰朝瑛畧記不主邵子之說別為先天後天八卦等圖以為諸儒之言易者詳於所變而不

詳於所未變變者象也未變者太極也時惟適變
道必會通不察時變則微彰剛柔拘于墟不觀會
通則屈伸往來臨于岐求諸物而格之返諸身而
體之不越知幾精義二者而已

錢棻讀易緒言二卷

棻字仲芳嘉善人崇禎舉人大學士士升之子

錢澂之序畧曰莊子曰易以道陰陽陰陽二氣迭
為消長夫以五陽決一陰其詞曰剛決柔也剝以

五陰剝一陽其詞曰柔變剛也夫決者乎號變者
默奪雖勝敗各有天焉要其工拙難易之數未可

同日語矣以是三易聖人於十二辟卦

謂以十二卦為君見

京房傳

陰陽之會於陽多危辭焉於陰多戒辭焉而

其意常主於庇陽以是為扶抑之義而已著周易
緒言情見乎詞猶之作易者之苦心也

舒宏諤周易去疑十一卷

宏諤字士一旌德人

沈泓易憲四卷

泓字臨秋華亭人崇禎進士官刑部主事

喬中和說易十二卷

中和字還一內邱人崇禎中由拔貢生官太原府通判

臣等謹案朱彝尊經義考載中和易林補四卷又名大易通變今此書名說易版心又標躋新堂集疑即從文集中析出單行又不止四卷則易林補

又當在此書之外也

顧懋樊桂林點易丹十六卷

懋樊字霖調仁和人崇禎中副榜貢生

程觀生四易通義六卷

觀生字仲孚歙縣人流寓嘉興崇禎中知天下將亂棄去諸生以相地之術自給事蹟見朱彝尊靜志居詩話

臣等謹案朱彝尊經義考惟載其易內三圖註三

卷註曰已佚而不及此編蓋遺書散失久乃復出
彙尊未之知也

董說易發八卷

說字雨若烏程人黃道周之弟子

來集之讀易隅通二卷 易圖親見一卷 卦義一得

無卷
數

集之字元成蕭山人崇禎進士官安慶府推官

章佐聖周易時義注

無卷
數

佐聖字右臣歙縣人

臣等謹案是書前有佐聖自序謂以明經獲雋而烽火交訖行路艱阻因坐臥小樓自為箋註蓋有託而為之者也

錢彭曾易參五卷

彭曾號覺龕錢塘人

蔣時雍易旨一覽四卷

時雍字繩武江都人

喻國人周易辨正一卷 河洛定議贊一卷 全易十
有八變成卦定議一卷 周易對卦數變合參一卷
河洛真傳一卷 周易生生真傳一卷

國人字春山郴州人

李陳玉三易大傳七十二卷

陳玉字籍未詳

方芬易經補義四卷

芬字舒林歙縣人

沈爾嘉讀易鏡六卷

爾嘉字公亨常熟人

鄒元芝易學古經正義十二卷

元芝字立人竟陵人

射易淡詠二卷

不著撰人名氏

大易衍說

無卷數

不著撰人名氏

原易二卷

不著撰人名氏

易傳義十二卷

不著編輯者名氏

易象與知編一卷 圖書合解一卷

題天山道人撰不著名氏

欽定續文獻通考卷一百四十五

欽定四庫全書

史部

欽定續文獻通考卷一百四十六

九十六

給事中_臣劉芬覆勘

總校官內閣中書_臣孫溶

欽定四庫全書

欽定續文獻通考卷一百四十六

經籍考

經書

宋史藝文志書類六十部八百二卷

不著錄者十三部
二百四十四卷

遼金元三史不立藝文志散見各紀傳中

明史藝文志書類八十八部四百九十七卷

宋

欽定四庫全書

欽定續文獻通考

鄭伯熊書說一卷

伯熊字景望永嘉人紹興進士累官宗正少卿以直
龍圖閣知寧國府卒諡文肅

陳亮序略曰尚書最難讀難得胸臆如此之大孔
安國以下隨文釋義凡帝王之所以綱理世變者
未知也

毛晃禹貢指南四卷

晃字明叔江山人世傳其增註禮部韻略於紹興三

十二年表進自署曰衢州免解進士蓋高宗末年人也

史浩尚書講義二十卷

浩字直翁鄞縣人紹興進士官至右丞相致仕卒諡文惠

朱子曰史丞相說書亦有好處如命公後衆說皆云命伯禽為周公之後史云成王既歸命周公在後看公定予往矣一言便見得是周公且在後之

意

夏僕尚書詳解二十六卷

僕字元肅號柯山龍游人

呂祖謙書說三十五卷

祖謙見易類

臣等謹案馬考稱祖謙書說十卷趙希弁讀書附志云六卷蓋彼乃祖謙原書此本其門人時瀾增修也

楊簡五誥解四卷

簡見易類

薛季宣書古文訓十六卷

季宣字士龍號艮齋永嘉人起居舍人徽言之子孝
宗朝官大理寺正知湖州乾道元年遷知常州未上
卒

季宣自序略曰隸古定書最古孔氏文義多本伏
生之說唐明皇更以正隸改定而俗儒承訛文多

踏駁古文是訓不勞乎是正之也書序出於孔子
旨自有在詮次百篇之後將以歸於古學好古之
僻又何辭焉

朱子曰士龍書解其學問多於地名上著功夫

臣等謹案王應麟玉海宋咸平二年直講孫奭請
摹印古文尚書音義與新定釋文並行即周顯德
六年田敏等校勘郭忠恕覆定之本季宣因之為

訓

傅寅禹貢說斷四卷

寅字同叔義烏人學者稱杏溪先生

喬行簡序略曰同叔家故貧以教舉子為業乃能取古書天官地志律歷權度井田兵制分寸零整乘除抄忽之說究觀篤考窮日夜不愒無是書則多方從人借之月累歲積遂取其書為之圖條列諸說而斷以己意

陳經書詳解五十卷

經字顯之一字正甫安福人慶元進士官至奉議郎

泉州泊幹

魏了翁尚書要義十七卷序說一卷

了翁見易類

陳大猷尚書集傳或問二卷

大猷東陽人紹定進士由從仕郎歷六部架閣

錢時融堂書解二十卷

時字子是淳安人受學於楊簡嘉熙中以丞相喬行

簡薦授祕閣校勘遷史館檢閱

趙善湘洪範統一一卷

善湘字清臣濮安懿王五世孫仕至資政殿大學士
封文水郡公贈少師

王栢書疑九卷

栢字會之號魯齋金華人從祀孔子廟庭

栢自序略曰聖人之經難讀者莫如書伏生之口
授蝌蚪之變更孰能保其無誤此書所以難讀也

朱子於書止解典謨三篇而已後又有金滕召誥
洛誥說及考定武成凡四篇學者猶恨不及見其
全書孰知書之果不可得而全解也九峯蔡氏祖
述朱子之遺規斟酌羣言而斷以義理洗滌支離
而一於簡潔然祛疑闡正之難朱子曰未詳曰脫
簡者固自若也分章絕句之難朱子不肯句讀者
亦未能盡通也况讀書至拙如予者豈能盡豁然
於中哉諸儒之所能解予固幸因得而通之所不

能通雖諸儒極融化之妙交綴傳會屈曲將迎然亦終未能盡明也在昔先儒篤厚信古以為觀書不可因脫簡以疑經然伏生女子之口傳孰不知其訛舛聖人之經不可改伏生之言亦不可正乎糾其謬而刊其贅訂其雜而合其離或庶幾乎得復聖人之舊愚不自揆因成書疑九卷凡五十篇正文考異八篇藏之家塾以備探討

朱彞尊曰漢儒於經文遇有錯簡斤斤守其師傳

不敢更易次第至宋二程子始更定大學篇而朱子遂分為經傳又取孝經考定繼是有更定雜卦傳者有更定武成洪範者餘亦不數見也魯齋王氏於詩書皆疑之多有更易書則於舜典舜讓於德弗嗣下補入論語堯曰咨爾舜天之歷數在爾躬允執其中四海困窮天祿永終二十四字又於敬敷五教在寬下補入孟子勞之來之匡之直之輔之翼之使自得之又從而振德之二十二字餘

若臯陶謨益稷武成洪範多方多士立政皆更易
經文先後而次第之觀者未嘗不服其精當然亦
知者之過也

賀成大古洪範一本

成大字季常任履無攷

成大自序略曰洪範自三八政以下紊亂無次因
援朱子大學分經傳之列每疇以禹之言為經以
箕子之言為傳

胡士行尚書詳解十三卷

士行廬陵人官臨江教授

金履祥尚書表注二卷

履祥字吉文號仁山蘭谿人師事王栢同登何基之門德祐初徵為史館編修不至入元隱居教授以終至正中追諡文安從祀孔子廟庭事蹟具元史儒學傳

柳貫曰仁山早歲所著尚書章釋句解既成書矣

一日超然自悟擺脫衆說獨抱遺經復讀玩味則其節目明整脉絡貫通中間枝葉與夫諤訛一一易見因推本父師之意正句畫段提其章旨與其義理之微事為之概考正文字之誤表諸四闌之外曰尚書表注而自序之

元

吳澄書纂言四卷

經籍志作尚書纂注六卷

澄見易類

納喇性德曰吳氏獨有今文置古文而不釋其見
可謂卓矣至其考據詳博釐正錯簡咸皆確當學
者將以明經祛惑于纂言一書必有取爾矣

許謙讀書叢說六卷

謙字益之金華人從金履祥學儒者稱為白雲先生
後諡文懿從祀孔子廟庭事蹟見元史儒林傳

謙自序略曰自堯至襄王凡六十五君堯元年至
襄二十八年歷年一千七百三十四而惟十八君

之世有之以亡書考之亦惟沃丁太戊仲丁河亶
甲祖乙五君之世有書十篇耳自此二十三君之
外其餘豈無出號令紀政事之言蓋皆孔子所芟
夷者緯書謂孔子求帝魁之書迄于秦穆凡三千
二百四十篇雖其言未必實然有書者不止二十
三君則明矣愚嘗謂聖人欲納天下于善惟示之
勸戒而已于春秋嚴其褒貶之辭使人知所懼于
書獨存其善使人知所法羿浞之篡夏幽厲之滅

周略不及之此則聖人之意可見矣

董鼎尚書輯錄纂注六卷

鼎字季亨鄱陽人

鼎自序略曰朱子以尚書集傳之功未竟以屬九峯蔡氏既嘗訂定之則猶其自著也族兄介軒夢程親受業于勉齋黃氏槃澗董氏故再傳而鼎獲私淑焉釋經諸論多出朱子乃敢訂定集傳為之宗而蒐輯語錄于其次又增纂諸家之註有相發

明者并綴所見于後

吳澄曰輯錄纂注同異俱有所裨西伯戡黎其國
蓋在黎陽之地而非上黨壺關之黎武王伐商兵
度孟津必過黎陽先戡黎而後至紂都如齊桓伐
楚先潰蔡而後入楚境也輯錄引董銖叔重之問
謂吾才老以戡黎為伐紂時事召誥三月甲子周
公用書命庶殷侯甸男邦伯多士篇即其命庶殷
之書也而舊注云多士作于紀洛次年之三月纂

注引陳櫟壽翁之說以此三月誥殷士為周王至洛之年周公居東二說兼存不以蔡之從鄭為然也略舉一二端則季亨之有功多矣

王天與尚書纂傳四十六卷

天與字立大號梅浦安福人官臨江教授

劉辰翁序略曰聞若稽古說三萬言又聞書解近年至四百家使人茫然不識其所謂得王君纂傳如遠遊半天下得路以歸如觀樂請止不願更有

是可嘉也

陳櫟書傳纂疏六卷

櫟字壽翁號定宇休寧人事蹟具元史儒林傳

櫟自序略曰尚書自有註解以來三四百家朱子
晚年始命門人集傳之惜所訂正三篇而止今科
舉書宗蔡傳固宜櫟不揆晚學三十年前科舉未
興嘗編書解折衷將以羽翼蔡傳後又即蔡傳而
纂疏之博采精究方克成編又自述折衷云予編

是書宗朱蔡采諸家附已見但不盡載蔡傳于前
爾

陳師凱書蔡傳旁通六卷

師凱家彭蠡故自題曰東滙澤其始末無攷

師凱自序略曰朱蔡授受有傳都陽董氏因有輯

錄纂注一書然輯錄特問答之多端纂注又專門

之獨見殆未可由此以通本傳也傳中不無囁嚅

齟齬况天文地理律歷禮樂兵刑龜策河圖洛書

道德性命官職封建之屬未可以一言盡是以不厭瑣碎專務釋傳至于通而後止

黃虞稷曰師凱至治辛酉為此書凡傳中所引名物度數必詳究所出有功蔡傳甚大

朱祖義尚書句解十三卷

祖義字子田廬陵人

黃鎮成尚書通考十卷

鎮成字元鎮邵武人以薦授江南儒學提舉未上而

卒

鎮成自序略曰道德仁聖統于心制作名物達于
事統于心者先後古今昭合無二達于事者儀章
器物因革無存故求帝王之心易而考帝王之事
難二典歷象日月星辰律度衡量五禮六樂禹貢
山川洪範九疇之類須一一理會令透益讀書窮
理即器會通乃學者之當務也余方授書兒輩取
闕涉考究者蒼萃抄撮或不可言曉者復繪為圖

以示之至衆家之說有所不通則附以已見如舊
圖舊說已備者不復贅出其有未盡則隨條辨析
焉

納喇性德曰通考紀尚書名物度數舉夫七政九
疇六宗五里方州之貢賦水土律呂之長短忽微
皆著其說說有未盡復系以圖彙集諸家而衷以
已意詳且備矣

王充耘讀書管見二卷 書義矜式六卷

充耘字與耕吉水人元統進士同知永新州事母老
歸養著是書卒未幾遭元末山棚之變從子光薦密
置是書複壁中以付其子吉

無名氏序管見略曰是篇自微辭奧旨及名物訓
詁山川疆里靡不究竟辨析

張雲章論書義矜式略曰延祐中以經義取士著
有定式充耘主張題意率本功令而又自為經義
名曰矜式存此猶見當時體製

胡一中定正洪範二卷

一中字允文諸暨人官紹興路參軍

一中自序略曰魯齋王氏本心文氏草廬吳氏皆有考定本所見不同互有得失竊因括蒼鮑氏有定正武成之論以竹簡每行十三字而定其差推之洪範則史氏之叙七行初一以下為疇之經大禹本文也以河圖九數為綱以洛書十數為目一五行以下亦禹所授之章水曰潤下以下則箕子

所釋之傳也二五事至福極皆然九章皆當析大
禹之經箕子之傳支分節解脉絡貫通而八政五
紀同傳五福六極亦然其文則因三先生而定各
撫所長以正之非敢出于臆見云

陳悅道書義斷法六卷

自題曰鄒次不知何許人

欽定續文獻通考卷一百四十六

欽定四庫全書

欽定續文獻通考卷一百四十七

經籍考

經書

明

書傳會選六卷

翰林學士劉三吾等奉勅撰

劉三吾序略曰九峯蔡氏集傳發明殆盡矣然書

成於朱子既卒之後不無可議如堯典天與日月
皆左旋洪範相協厥居為天之陰隲下民有未當
者宜考正其說爰奉命校定之

顧炎武曰此書若堯典謂天左旋日月星辰違天
而右旋主陳氏祥道高宗彤日謂祖庚繹祭高宗
之廟主金氏履祥西伯戡黎謂是武王亦主金氏
洛誥惟周公誕保文武受命惟七年謂周公輔成
王之七年主陳氏櫟皆不易之論又如禹貢厥賦

貞主蘇氏軾謂賦與田正相當涇屬渭汭主孔傳
水北曰汭太甲自周有終主金氏謂周當作君多
方不克開於民之麗主葉氏惟金滕周公居東駮
孔氏以為東征非是至洛誥又取東征之說自相
牴牾耳每傳之未繫以經傳音釋於字音字體字
義辨之甚悉其傳中用古人姓氏古書名目必具
出處兼亦考正典故蓋宋元以來諸儒之規模猶
在而其為此書者皆自幼為務本之學非由八股

發身之人故所著之書雖不及先儒而尚有功於
後

書傳大全十卷

胡廣等奉勅撰

臣等謹案書以蔡沈集傳為主自延祐貢舉條格
已然然元制猶兼用古註疏明太祖親驗天象知
蔡傳不盡可據因命作書傳會選以糾其失是洪
武中尚不以蔡傳為主其專主蔡傳定為功令者

則始自廣等

朱升尚書旁註六卷

升見易類

陳雅言尚書卓躍六卷

雅言永豐人洪武初以薦官本縣教諭

臣等謹案楊士奇謂此書專為科舉而設

徐善述尚書直指六卷

善述字好古天台人洪武中貢入太學授貴陽學正

官至左贊善坐累死洪熙初贈太子少保諡文肅
朱彞尊曰是書未曾刊行亦不列撰書姓名其後
中官錢能鏤板不知為文肅所著也予從同里曹
溶家見之因為標出

彭勗書傳通釋六卷

勗字祖期永豐人永樂進士累官山東按察司副使

章原書經提要

無卷
數

原字仲寅黃巖人正統進士官禮部主事

韓邦奇禹貢詳略

無卷數

邦奇見易類

呂柟尚書說要五卷

柟見易類

張雲章曰此涇野門人因扣擊而得之師者筆之
于編焦氏經籍志朱氏授經圖所載因問錄疑即
其書

梅鷟尚書考異五卷 尚書譜五卷

驚見易類

驚自序略曰朱子云古文東晉時始出前此諸儒皆未之見無而為有將以誰欺安國不言史記不載使聖人正經反附偽書以行世隋唐以來千餘年自吳草廬纂言之外曾無一人為聖經之忠臣義士者豈不痛哉予作此譜使古文廢興之由先後義僭之辨如指諸掌庶幾裨纂言之未備云

臣等謹案驚是書辨正古文尚書其謂二十五篇

為皇甫謐偽作雜取諸傳記中語補綴為之則宇宙殊時而一理聖賢異世而同心不得以其詞之相近而遽疑其相襲誠有如陳第尚書疏衍所云者至其辨孔傳非安國所作則指摘多有依據如謂潯水出谷城縣而漢志並同晉始省谷城入河南而孔傳乃云出河南北山積石山在西南羌中漢昭帝始元六年始置金城郡而孔傳乃云積石山在金城西南孔安國卒於漢武時載在史記則

全明正人二
卷一百四十五
猶在司馬遷以前安得知此地名乎凡此之類援
證皆確固非好為掇擊者比也

吳世忠書傳洪範考疑一卷

世忠字懋貞金谿人弘治進士累官僉都御史巡撫
延綏

王大用書經旨略一卷

大用字時行號蘼谷興化人正德進士官至副都御
史

馬明衡尚書疑義六卷

明衡字子萃莆田人正德進士官御史事蹟附見明

史朱淵傳

張雲章曰治書之家其與蔡氏異者元新安程氏直方著蔡傳辨正鄱陽余氏芑舒程氏葆舒著讀蔡傳疑蔡傳訂誤明嘉善袁仁有砭蔡編今其書不盡傳是編亦止見抄本

臣等謹案是書前有自序云凡於所明而無疑者

從蔡氏其有所疑於心而不敢苟從者輒錄為篇
書中如六宗從祭法輯五瑞謂是朝覲之常非為
更新立異治梁及岐謂蔡傳勝孔氏洪範日月之
行取沈括之說于金縢頗有疑詞皆能參酌衆說
不主一家非有心與蔡氏異者惟三江必欲連震
澤而於所其無逸之所字亦不從蔡傳則未免意
見之偏要自瑕不掩瑜也

豐坊古書世學六卷

坊見易類

顧炎武曰豐熙之古書世本可怪焉曰箕子朝鮮
本者箕子封於朝鮮傳書古文自帝典至微子止
後附洪範一篇曰徐市倭國本者徐市為秦博士
因李斯坑儒生託言入海求仙畫載古書至島上
立倭國即今日本是也二國所譯書其曾大父河
南布政慶錄得之以藏於家按宋歐陽修日本刀
歌徐福行時書未焚逸書百篇今尚存蓋昔時已

有是說而業少蘊固已疑之夫詩人寄興之時豈必真有其事哉日本之職貢於唐久矣自唐及宋歷代求書之詔不能得而千載之後慶乃得之其得之又不足以獻之朝廷而藏之家何也至曰箕子傳書古文自帝典至微子則不應別無一篇逸書而一一盡同于伏生孔安國之所傳其曰後附洪範一篇者蓋徒見左氏傳三引洪範皆謂之商書而不知王者周人之稱十有三年者周史之記不

得為商人之書也禹貢以導山導水移於九州之前此不知古人先經後緯之義也五子之歌為人上者奈何不敬以其不叶而改之曰可不敬乎謂本之鴻都石經據正義言蔡邕所書石經尚書止今文三十四篇無五子之歌熙又何以不攷而妄言之也

臣等謹案是編以今文古文石經列於前而後以楷書釋之且采朝鮮倭國二本以合於古本故曰

古書又以豐氏自宋迄明世學古書稷為正音慶
為續音熙為集說道生為考補故曰世學攷坊序
所稱正統六年朝鮮使臣媯文卿日本使臣徐睿
入貢檢明英宗實錄無此兩使臣之名又朝鮮今
為外藩其書不異中國絕無箕子本之說日本所
刻之尚書一一與中國註疏本同不過字句偶異
耳此不待辨而可知其妄者也

蔡悉書疇彙訓一卷

悉字士備合肥人嘉靖進士官至南京尚寶司卿移
署國子監祭酒明史儒林傳附王畿傳後

鄭曉禹貢說一卷

曉字室甫海鹽人嘉靖進士官至刑部尚書諡端簡
張居正書經直解十三卷

居正字叔大江陵人嘉靖進士官至太師吏部尚書
中極殿大學士諡文忠

沈偉書經說意十卷

偉號虹野吳江人嘉靖舉人

臣等謹案朱彛尊經義考有杜氏偉尚書說意不著卷數考偉本姓杜少育於沈漢家因冒其姓後乃歸宗此蓋其未復姓時所著彛尊則據其後而言之也

王樵尚書日記十六卷 書帷別記四卷

樵見易類

李維禎序曰書有古文今文而今之解書者又有

古義時義初學士劉三吾等為書傳會選其後有直指輯註會通纂義疏意書繹數十家是為古義而經生科舉之文不盡用自書經大全布在學官獨重蔡氏註經生習之其主蔡氏而為之說者坊肆所盛行亦數十家皆便科舉之文是為時義惟金壇王中丞公日記裒錄百家訓詁於經旨多所發明而亦可用於科舉之文其中若精一協一建中建極禹箕衍疇之法湯尹談理之宗召誥周官

之義微箕抱器受封周公居東致辟之辨本原學
術窮究性命昭揭倫常破除誣罔有功於經不少
也

張萱曰金壇王樵著日記一編上自羲皇之紀洎
於歷代稗官即今士大夫譚議凡有當於尚書者
皆參攷之

張雲章曰方麓日記字比句櫛討論折衷或並存
衆說或定從一家必求至當之歸而於歷象機衡

地理皆詳稽而得其依據有明一代以尚書之學
著聞者絕少朱蔡之傳賴王氏以不墜矣書惟別
記為舉業而作自序行之

申時行書經講義會編十二卷

時行字汝默號瑤泉長洲人嘉靖壬戌進士第一累
官吏部尚書中極殿大學士諡文定

袁仁尚書砭蔡編一卷

仁字良貴蘇州人

王鑑山川郡邑攷四卷

鑑字汝明無錫人嘉靖進士官至太僕寺卿

俞鯤禹貢元珠一卷

鯤字之鵬嘉興人

臣等謹案是書朱彝尊經義考不著錄而別載其
百家尚書彙解列於申時行表仁之後屬本峻鄧
元錫之前蓋嘉隆間人也

陳第尚書疏衍四卷

第見易類

陳泰來尚書註考一卷

泰來字長水平湖人萬厯進士官至禮部精膳司員
外郎

臣等謹案是書皆考訂蔡傳之訛

郝敬尚書辨解十卷

敬見易類

張雲章曰京山郝氏專信今文而力辨孔傳為非

且以周公未嘗有東征殺管叔之事亦未嘗有踐
阼朝諸侯之事蔡仲之命致辟管叔乃誤解金縢
中我之弗辟一句禮記明堂位周公朝諸侯誤解
洛誥中周公誕保文武受命惟七年之文其意以
孔書偽作禮記出於漢儒俱不足信其指似吳草
盧纂言前八卷解今文後二卷辨正古文

姚舜牧書經疑問十二卷

舜牧見易類

王肯堂尚書要旨三十卷

肯堂字宇泰金壇人樵之次子萬歷進士官至福建
布政司參政

張雲章曰要旨一書肯堂官詞館所撰蓋原本家
學而為學士家說經訓詁之用者也

胡瓚禹貢備遺二卷

瓚字伯玉桐城人萬歷進士官至江西布政司參政
曹學佺書傳會衷十卷

欽定四庫全書

欽定續文獻通考
卷一百四十七

十三

學佳見易類

張雲章曰此書大槩即蔡傳而損益之

陸鍵尚書傳翼十卷

鍵字實府秀水人其時又有一陸鍵平湖人萬曆丙午舉人未知是一是二也

陳懿典曰邇來經生專務新說開仲所訂尚書傳翼博而不泛深而不僻其見卓其心苦

史惟堡尚書晚訂十二卷

惟堡字景南金壇人萬曆進士官工部郎中

鄒期楨尚書揆一六卷

期楨字公寧無錫人萬曆中諸生

潘士遶尚書章薦二十一卷

士遶字叔獻烏程人天啟進士官至大理寺寺副

朱朝瑛讀尚書畧記

無卷數

朝瑛見易類

茅瑞徵虞書箋二卷 禹貢匯疏十五卷

瑞徵字伯符歸安人萬歷進士累官南京光祿寺卿
瑞徵禹貢匯疏自序畧曰禹貢一書兩孔氏註疏
原本山川頗得其概而三江九江悉屬影響至宋
蔡氏深心訂定多出先儒意表然援引證據未能
曲暢間考蘇端明書傳意解各殊及參以大全諸
儒論著問難鋒起因從誦讀之餘凡關禹貢疑義
信手摘錄彙為全書

萬嗣達書經集意六卷

嗣達字孝仲潯陽人履貫無考自序稱天啟壬戌書
於陪京序中有雲曹簡靜云云蓋官南京刑部時所
作

艾南英禹貢圖注

無卷數

南英字千子東鄉人天啟舉人事蹟具明史文苑傳
南英自序畧曰禹貢一書古今地理志之祖何可
汶汶是編內註一遵蔡氏刪繁就簡以便記誦有
不可廢者仍錄為外註諸儒之論足與傳註相發

咸收之以備參考間有訂訛釋疑皆出前儒之旨
無敢師心若乃疆域之下形勢表裏之獨詳古今
都會之孰優以至河道之遷徙轉運之難易尤加
意焉形勢要害守國之所重而河淮汶濟之間又
今日之不可不講也

夏允彝禹貢合注五卷

允彝字彞仲華亭人崇禎進士官長樂縣知縣福王
時召為吏部主事南都失守投水死

允彛自序畧曰余偕陳卧子出入見其留意博詢
凡水泉之曲折塗徑之分岐必明晰而後已因念
即此是學欲作地理圖于用兵險要水利屯田城
池賦稅尤加詳焉其說闕達非數年不能竣先舉
其大畧為禹貢古今合注惟閩粵滇黔未入禹貢
九州不能附贅餘已包舉以為用世之一助

陳子龍曰其書引伸觸類旁覽史傳山水之經郡
國之志無不採險要之區泉澤之利無不載探竒

攬勝之蹟物產方俗之異無不紀皆附見於經文
之下可謂宏博而核矣

黃道周洪範明義四卷

道周見易類

楊文彩書繹六卷

文彩字治文寧都人

許胥臣禹貢廣覽三卷

胥臣錢塘人

蔡璋尚書講義

無卷數

璋字達夫無錫人

李楨辰尚書解意六卷

楨辰字華麓任邱人

邵璜禹貢通解一卷

璜嘉興人始末無攷

欽定續文獻通考卷一百四十七

欽定四庫全書

欽定續文獻通考卷一百四十八

經籍考

經詩

宋史藝文志詩類八十二部一千一百二十卷

不著錄者十四

部二百四十五卷

遼金元三史不立藝文志散見各紀傳中

明史藝文志詩類八十七部九百八卷

宋

張耒詩說一卷

耒字文潛楚州淮陰人元祐中官至起居舍人紹聖中謫監黃州酒稅徽宗召為太常寺卿坐元祐黨復貶房州別駕黃州安置得自便居于陳州主管崇福宮卒事迹具宋史文苑傳

程大昌詩論一卷

大昌字泰之休寧人紹興進士累官龍圖閣直學士

謚文簡

文昌自序略曰儒者孰不談經而獨尊信漢說者
意其近古或有所本也若夫古語之所以證經者
遠在六經未作之前而經文之在古簡者親預聖
人援證之數則其端的可據豈不愈於或有師承
者哉而世人苟且循習之舊無能以其所當據而
格其所不當據是敢於違背古聖人而不敢於考
正漢儒也此詩義之所為作也

陸元輔曰程氏詩義十七篇一論古有二南而無國風之名二論南雅頌為樂詩諸國為徒詩三論南雅頌之為樂無疑四論四始品目五論國風之有豳雅豳頌而無豳風以證風不得抗雅八論豳詩非七月九辨詩序不出子夏十辨小序綴詩出於衛宏十一辨序不可廢十二辨據季札序詩篇次知無風名十三論毛詩有古序所以勝於三家十四論采詩序詩因乎其地十五論南為樂名十

六論關雎為文王詩十七論詩樂及商魯二頌

范處義詩補傳三十卷

處義號逸齋金華人紹興進士

處義自序略曰經以經世為義傳以傳業為名毛氏詩謂之訓詁傳故於訓詁則詳於文義則略韓氏有外傳乃倣左氏國語非詩傳也惟詩序先儒比之易繫辭謂之詩大傳近世諸儒或為小傳集傳疏義註記論說類解其名不一既於詁訓文義

互有得失其不通者輒欲廢之以就已說學者病之補傳之作以詩序為據兼取諸家之長揆之情性叅之物理以平易求古詩人之意文義有闕補以六經史傳詁訓有關補以說文篇類異同者一之隱奧者明之窒礙者通之乖離者合之謬誤者正之曼衍者削之而意之所自得者亦錯出其間補傳大略如此或曰詩序可盡信乎曰聖人刪定詩書詩序猶書序也獨可廢乎况詩序如都人士

之序記禮者以為夫子之言賡之序與論語合孔
叢子所記夫子讀二南及栢舟諸篇其說皆與今
序義相應以是知詩序嘗經聖人筆削之手不然
則取諸聖人之遺言也故不敢廢詩序者信六經
也尊聖人也若夫聞見單淺古書之存於世者力
不能盡得未敢以今日之言為然博雅君子嗣而
脩之使詩之一經無所闕疑不亦善乎

臣等謹案詩補傳三十卷以詩序為主而兼採諸

家之說國風雅頌二十八卷附說一卷

釋十五國及雅頌名

廣詁一卷

風雅頌字有異音及字同音訓俱異者音同訓異者音異訓同者通用者重言

通用者重言字同音訓異者重言字異音訓同者重言音同字訓異者重名者各舉詩字詩名以證

卷首但題逸齋而不著姓名宋藝文志有范處叢

補傳三十卷卷數與逸齋本相符朱睦㮮聚樂堂

書目則直書處義名當有證據考通志堂經解刊

此書於南宋之末注云宋人失名蓋未考聚樂堂

書目之故又焦竑經籍志有范處義詩地理考宋

志不載

毛詩集解四十二卷

不著編輯者名氏集李樗黃樵兩家詩解為一編而
附以李泳所訂呂祖謙釋音樗書已見馬考樵字實
夫龍溪人淳熙進士官南劍教授終宣教郎泳字深
卿始末無攷

楊簡慈湖詩傳二十卷

簡見易類

袁燮絜齋毛詩經筵講義四卷

變見書類

林岳毛詩講義十二卷

岳字仲山古田人紹熙元年特奏名嘉定間嘗守全州有患政郡人祀之柳宗元廟

輔廣詩童子問十卷

廣字漢卿號潛齋其父本河朔人南渡後居秀州之崇德縣從朱子呂祖謙學講學家所稱慶源輔氏者

也

王禕曰輔氏書多補朱傳所未備

王應麟詩地理考六卷

應麟字伯厚慶元人淳祐進士寶祐中博學鴻辭累官禮部尚書兼給事中事蹟具宋史儒林傳

應麟自序略曰人之心與天地山川相通發於聲見於辭莫不因水土之風而屬三光五嶽之氣因詩以求其地之所在稽風俗之厚薄見政化之盛

衰感發善心而得性情之正匪徒辨疆域云爾因
據傳箋義疏叅之禹貢職方春秋爾雅說文地志
水經罔羅遺文古事傳以諸儒之說列鄭氏譜十
首為詩地理考

朱鑑編詩傳遺說六卷

鑑見易類

鑑後序曰先文公詩集傳豫章長沙石山皆有本
而後山讐校最精第初脫稿時音訓間有未備今

取家本親加訂正抑鑑昔侍旁每見學者相與講
論是書凡一字之疑一義之隱反覆問答切磋研
究必令心通意解而後已今文集書問語錄所紀
載無慮數千百條彙次成編題曰遺說讀詩者能
兼考乎此而盡心焉則無異於親承訓誘矣

嚴粲詩輯三十六卷

粲字明卿又字坦叔邵武人官清湘令

林希逸序略曰嚴君早有詩名余求全書而讀之

乃知其鈎貫根葉疏析條緒辭錯而理意曲而通
至於意訓疑似名物異同時代之後前制度之纖
悉訂證精密開卷瞭然詩於是乎盡之矣

袁甫曰坦叔於黍離中國有推葛藟不用舊說獨
能探得詩人優柔之意

黃佐曰嚴氏詩輯以呂氏讀詩記為主而集諸家
之說以發明之

段昌武毛詩集解二十五卷

昌武字子武廬陵人登進士第官朝奉郎

陸元輔曰昌武詩總說有二首載學詩總說分作
詩之理寓詩之樂讀詩之法次載論詩總說分詩
之次詩之序詩之體詩之派餘分十五國風小雅
大雅周頌魯頌商頌引先儒之說間附以己意大
抵如東萊讀詩記例前後無序跋但有其從子惟
清狀畧云本之東萊詩說叅以晦翁詩傳近世諸
儒一話一言足發明者必錄焉焦竑經籍志載是

書而誤段昌武為段文昌朱睦㮮授經圖載是書而誤段昌武為段武昌皆不見其書故也

王栢詩疑二卷

栢見易類

納喇性德曰栢師何基基師黃幹幹師朱子古之說詩者率本大小序自朱子詩去序言詩栢自信之堅過於朱子以為三百五篇豈盡夫子之舊容或刪去之詩存於閭巷之口漢儒各出所記以補

其缺又以二南各十有一篇兩兩相配退何彼穠
矣甘棠歸之王風削去野有死麇一篇此則漢唐
羣儒莫之敢為者又何文定基嘗語曰諸經既經
朱子訂定且當謹守不必多起疑論有欲為後學
言者謹之又謹可也昔人之善誨人如此

詩義斷法五卷

不著撰人名氏

臣等謹案是書卷首有建安日新書堂刊行字又

有至正丙戌字蓋元時所刻朱彝尊經義考載宋
謝叔孫詩義斷法不列卷數注引江西通志曰叔
孫南城人又載詩義斷法一卷不著名氏註曰見
菴竹堂書目並云已佚此本五卷與後一部一卷
之數不符疑即叔孫之書謹附錄于此

毛詩正變指南圖六卷

臣等謹案是書明末陳重光所刻前有李雯序謂
其書為宋人未竟之本疑即重光自輯重光字瑞

義華亭人

元

許謙詩集傳名物鈔八卷

謙見書類

吳師道序畧曰自北山何氏基得黃氏勉齋之傳而魯齋王氏仁山金氏授受相承逮公四傳而益大公念朱傳猶有未備者旁搜博采而多引王氏金氏附以已見要皆前人所未發又以鄭氏歐陽

氏譜世多舛一從朱子補定正音釋考名物度數
粲然秩然

黃潛曰先生是書正其音釋考其名物度數以補
先儒之未備仍存其逸義旁采遠援而以己意終
之

錢曾曰朱子之學一傳為何基王栢再傳為金履
祥許謙授受相傳白雲一代大儒其於詩專宗朱
子汎掃毛鄭之說未知今之三百篇果非夫子之

舊與柳桑中漆浦諸篇夫子刪詩意不辨為淫佚
之什而采之歟退何彼穠矣甘棠於王風削去野
有死麋具卓識遠過於夫子歟子曰多聞闕疑聖
人且云然而後學反立已見以疑聖人非予所敢
言也

臣等謹案鈔中二南相配圖各十有一篇退何彼
穠矣甘棠於王風而削去野有死麋猶守魯齋之
說也

梁益詩傳旁通十五卷

益字友直號庸齋江陰人教授鄉里以終

翟思忠序畧曰旁通者引用羣經兼輯詩說不泥
不僻如易六爻發揮旁通周流該貫也

劉瑾詩傳通釋二十卷

瑾字公瑾安福人隱居不仕

楊士奇曰宗朱子而錄各經傳及諸儒所發要義
又考求世次源流蓋會通之書也

朱公遷詩經疏義二十卷

公遷字克升樂平人至正初徵至南京授翰林直學士院忤當國者出為金華學正

公遷自序略曰輔氏羽翼傳說條理通暢予因其說而擴充之剖析傳文以達經義而於未發者必究其蘊已發者不羨其辭庶乎顯微闡幽而因傳求經不難也

朱倬詩疑問七卷附詩辨說一卷

倬字孟章江西新城人至正進士知遂安縣事

納喇性德曰詩疑問七卷元進士朱倬孟章著朱氏授經圖焦氏經籍志皆作六卷今本七卷末附南昌趙德詩辨說一卷余始得是書稱盱眙進士朱倬考之新安文獻志載明初歙人汪叡仲魯所為七哀辭錄元季守節服義者七人而倬與馬元史至正十二年七月饒徽賊犯昱嶺闖臨杭州路當是其時又稱其下車與學誦詩民熙化洽蓋倬

因當時良吏不僅以一死自了者而元史既不為之立傳郡人亦不載其行事於志可哀也已

梁寅詩演義十五卷

寅見易類

寅自述曰因朱子之傳演其義而申之

劉玉汝詩續緒十八卷

玉汝字成之廬陵人嘗舉鄉貢進士

欽定續文獻通考卷一百四十八